

御製大明集禮序

大明集禮一書。我

皇祖高皇帝之所製也。所謂吉。

凶。軍賓嘉五禮也。吉禮者首

之以

祀典。以及朝會等類。凶禮也喪



哈佛大學哈佛東京
圖書館珍藏印

葬之類。軍也。賓也。嘉也。各寓以戎事。朝聘。婚姻等類。莫不詳備。允為萬世之法程。子孫之所世守而遵行推衍之也。昨歲禮部請刻布中外。俾人有所知見。乃命內閣發秘藏。

令其刊布。茲以訖工。遂使廣行宣傳。以彰我

皇祖一代之制。朕素不知禮。又兼無學。因以刊布之意而述之于首。是為序。

嘉靖九年六月望日

(1530)

大明集禮總目

吉禮

祀天

祭地

宗廟

社稷

朝日夕月

藉田享先農

專祀太歲風雲雷雨師

專祀嶽鎮海瀆天下山川城隍

祀旗纛

祀馬祖先牧馬社馬步

祭厲

祀典神祇

三皇

孔子

嘉禮

朝會

冊拜

冠禮

婚禮

鄉飲酒

賓禮

朝貢

遣使

軍禮

親征

遣將

大射

凶禮

弔賻

喪儀

冠服

車輶

儀仗

鹵簿

字學

樂

鐘律

雅樂

俗樂

大明集禮卷之一

吉禮第一

祀天

總叙

天子之禮莫大於事天。故有虞夏商皆郊天配祖。所從來尚矣。周官大司樂冬至日祀天於地上之圜丘。大宗伯以禋祀祀昊天上帝。孝經曰周公郊祀后稷以配天。所以重報本反始之義而其禮則貴誠而尚質。見於遺經者可考也。秦

哈佛大學圖書館珍藏印

人燔書滅學。仍西戎之俗。立四畤以祠白青黃赤四帝。漢高帝因之。又增北畤。兼祠黑帝。至於武帝有雍五畤之祠。又有渭陽五帝之祠。又有甘泉太乙之祠。而昊天上帝之祭則未嘗舉行。至元帝時王莽諂事元后。傅會昊天有成命之詩。合祭天地同牢而食。其亵尤甚。光武祀太一遵元始之制。而先王之禮隳廢盡矣。魏晉以來郊丘之說互有不同。宗鄭玄者以為天有六名。歲凡九祭。六天者北辰曜魄寶蒼帝威靈仰赤。

帝赤熛怒黃帝含樞紐。白帝白招拒黑帝叶光紀是也。九祭者冬至祭昊天上帝於圜丘。立夏立夏季夏立秋立冬祭五帝於四郊。王者各稟五帝之精而王天下。謂之感生帝。於夏正之月祭於南郊。四月龍見而雩總祭五帝於南郊。季秋大享於明堂是也。宗王肅者則以天體惟一。安得有六。一歲二祭。安得有九。大抵多參二家之說行之。而至唐為尤詳。武德貞觀間用六天之義。永徽中從長孫無忌等議廢鄭玄議。從王

肅說乾封中復從鄭玄議焉。宋太祖乾德元年冬至合祭天地于圜丘。神宗元豐中罷合祭。哲宗紹聖徽宗政和間或分或合。高宗南渡以後惟用合祭之禮。元初用其國俗拜天於日月山。成宗大德六年建壇合祭天地五方帝。九年始立南郊專祀昊天上帝。泰定中又合祭然皆不親郊。文宗至順以後親郊者凡四。惟祀昊天上帝。

國朝

分祭天地于南北郊。冬至祀

昊天上帝於圜丘。以

仁祖淳皇帝配。其從祀則唯以大明夜明星辰太歲。

皇帝每歲親祠。參酌成周唐宋之典以適其中。蓋不牽惑於鄭玄讖諱之說。可謂明且至矣。若其歷代制度儀文之詳。列于左方。

壇壝

周禮至敬不壇。掃地而祭。特燔柴於泰壇而已。至秦則有四時之制。漢元始儀。上帝圓壇八觚。

祖太宗並配。開元中以高祖配。寶應初又以景
皇帝配。宋太祖乾德初郊。以其父宣祖配。太宗
時配以太祖。真宗時奉太祖太宗並配。仁宗時
以太祖太宗真宗並配。神宗以後止以太祖配。

元至成宗朝始定郊以太祖配。

國朝洪武元年初郊。議配祀。

上謙讓不許。親為文以告

太廟曰。臣於今年十一月三日冬至祀

上帝于南郊。故先告

祖考鑒觀歷代有天下者。未嘗不以祖配天。茲
臣獨不敢者。以臣功業猶有未就。政治或有闕
失。懼有責焉。去年

上天垂誠。有聲東南。又雷火焚舟及擊殿吻。早
暮兢惕。恐無以承

上帝好生之德。故不敢輒以
祖配天也。惟

祖神與

天通。恐

上帝有問。以臣之所行敷奏。
帝前善惡無隱。惟

上帝鑒之。候南郊竣事。臣當率百司恭詣
廟庭告成大禮。以共享

上帝之錫福。謹告。明年夏至將祀方丘。羣臣復
請舉配典。

上堅執前志不允。羣臣固請。乃曰。俟慶陽平。議
之。八月慶陽平。諸將凱還。十一月十四日冬至。
羣臣復固請。

上勉從衆議奉

皇考仁祖淳皇帝配天于圜丘。

從祀

祭義曰。郊之祭也。大報天而主日。配以月。大猶
徧也。蓋祭天之時。日月天神共為一壇。而日為
衆神之主。秦祭四時。漢祠太一。從祀之禮無見

焉。

東漢

光武初郊。祀日月於中營內南道。北斗

在北道之西。其中八陛及中營四門外營四門
中外營門封神共千五百一十四神。背中營神。